

SABIN INTXAURRAGA SAILBURUA ANNA DIAMANTOPOULOU KOMISARIOAREKIN BILDU DA

Intxaurreagak EAEko enplegu egitasmoak aurkeztu ditu Bruselan

■ Erakundeen arteko

Enplegu Plana eta
umedun familientzako
laguntzen berri eman du

■ EAEk ogasun eta enplegu

arloan dituen
berezitasunak ezagutarazi
ditu bileran

■ Enplegu komisarioak

interesa azaldu du
kooperatiba eta elkarte
anonimo laborekin

Carbiñe Olaizola / Donostia

EUSKO JAURLARITZAKO Justizia, Lan eta Gizarte Segurantzako sailburu Sabin Intxaurreagak EAEko Erakundearen Arteko Enplegu Plana eta umedun familiei laguntzeko egitasmoaren berri eman zion atzo Europako Batzordeko Enplegu eta Arlo Sozialeko komisario Anna Diamantopoulouri Bruselan izan zuen bileran. Europako Batzordeak enplegu politikaren lerro nagusiei buruz apirilean egindako komunikazio bati Jaurlaritzaren erantzuna helarazi zion sailburuak komisarioari.

Bileran, Sabin Intxaurreagaz gain, Joxerramon Bengoetxea Lan sailburuordea eta Angeles Iztueta Gizarte Ekin-tzarako sailburuordea izan ziren.

Lan sailburua pozik azaldu zen bilerak eman zuenarekin. «Oso harrera beroa izan dugu komisarioaren aldetik», adierazi zuen atzo Intxaurreagak. «Apirilean Europako Batzordeak helarazi zigun txostenari gure ekarpenak egin dizkiogu. Ekarpen horiek Erakundearen Arteko Enplegu planean eta Europako enplegu estrategiaren baitan, kokatzen ditugu», esan zuen.

Umedun familientzako laguntza egitasmoa

Enplegu arloan, umedun familiei laguntza emateko egitasmoa aurkeztu zuen Lan sailburuak. Egitasmoa zehaztu gabe dago oraindik, baina erakundearen arteko batzorde bat eratuko da, non Jaurlaritzak, aldundiek eta udalek parte hartuko duten. Horrez gain, Jaurlaritzako hainbat sail egongo dira barruan. Proiektuaren helburuak dira bizitza laborala eta familiarra adiskidetzeta eta jaiotze tasaren beherakadari aurre egitea.

Zehazki, familia adiskidetzeta lortzeko laguntza ekonomikoak eta fiskalak aurreikusten dira batetik, eta hez-



JOSEBA OLALDE

Sabin Intxaurreaga, Eusko Jaurlaritzako Justizia, Lan eta Gizarte Segurantzako sailburua.

kuntza eta zerbitzu soziala arloko laguntzak, bestetik.

Horren ildotik, Euskal Autonomia Erkidegoan dauden berezitasunak aipatu zituzten elkarriketan, hala nola, kooperatiben eta elkarte anonimo laboralen mugimendua eta arlo fiskalean EAEk dituen eskumenak.

Bestalde, Erakundearen Arteko Enplegu plana aur-

keztu zion Intxaurreagak Diamantopoulouri. Eragile sozialek zein erakunde ezberdinek hartu dute parte planean eta dagoeneko Jaurlaritzak onartu du.

Estatuen artean dauden desberdintasunak kontuan hartuz, arlo lokala baino erregionala nahiago du Jaurlaritzak eta hala jakinarazi zuen. «Gure kasuan Ogasun

arloan ahalmen oso zabalak ditugu eta erakundearen arteko enplegu planak egiterakoan fiskalitateak garrantzia du», nabarmendu zuen Intxaurreagak.

Azkenik, Lan sailburuak beharrezkotzat jo zuen bi erakundearen arteko lankidetzeta «enplegua sortzerakoan Europar eraginkoragoak izateko», gaineratu zuen.

Kooperatiben munduarekin interesaturik

■ ANNA DIAMANTOPOULOUK interes berezia agertu zuen EAEko dagoen kooperatiben eta elkarte anonimo laboralen mugimenduekin.

Hala, datorren udazken amaieran edota negu hasieran Bilbora egingo duen bisita aprobetxatuz, kooperatibak ikusteko asmoa azaldu zion Eusko Jaurlaritzako ordezkari.

«Guk gure gonbita

egin diogu eta ziur nago kooperatiba munduak ere begi onez ikusiko duela komisarioaren bisita», esan zuen Intxaurreagak.

«Elkarte anonimo laboralen eta kooperatiben esperientziekin interesa agertu du, baina ez bakarrik nekazaritzan, baita industrian eta zerbitzuetan hemen dagoen esperientziekin ere», azpimarra-

tu zuen Lan sailburuak.

Ildo horretan, Arrasaten Mondragon Korporazio Kooperatibak duen garrantzia nabarmendu zuen Sabin Intxaurreagak, hainbat arlo jasotzen dituelako, hala nola, finantza erakundeak, unibertsitateak, ikerketa eta garapeneko zentroak eta banaketa arloak.

Izan ere, EAEko

enpresa-talde handiena da MCC.

Gainera, krisi garaian kooperatibek lanpostuak sortu zituztela gogoratu zuen Lan sailburuak. Horrez gain, elkarte anonimo laboralen sorrerak izan zuen garrantzia aipatu zuen, sortu izan ez balira «enpresa asko desagertuko bailiratekeen krisi ekonomikoa sortu zenean».

Medef, CFDT, CFTC, UDF eta FNSEAK Gobernuaren erabakia salatu dute

■ «Estatu kolpe soziala» gaitzetsi du nagusien mugimenduak

Erredakzioa / Baiona

MEDEF nagusien mugimenduak eta CFDTk atzo ere gogoriki kritikatu zuten Frantziako Gobernuak langabezia aseguruari buruz hartu erabakia. Martine Aubry lan ministroak eta Laurent Fabius ekonomia ministroak Unedic hitzarmena baztertu egin zuten herenegun. Medef nagusien mugimenduarentzat «estatu kolpe sozial» bat gertatu da.

«Erabaki erabat katastrofikoak eta langabezia aseguruarentzat eta elkarriketa sozialarentzat biziki grabea» salatu du. Denis Kessler Medefeko lehendakariordeak gobernuak «beharbada hitzarmena ez duela irakurri ere egin» adierazi zuen atzo. «Botere gehiegikeria» gaitzetsi zuen.

Luc Guyau FNSEA laborari sindikatuko lehendakariak nagusiei, CFDT eta CFTC sindikatuak bere sustengua agertu zien. «Konbentzita naiz bitartekariak eta gizarte partaarioek demokrazia osasuntsu eta iraunkorraren segurtatzeko betetzen duten paperaz, zeinetan estatua ez den totalitarioa» adierazi zuen.

«Zinezko krisi soziala»

Herve de Charette UDF alderdiko lehendakariordeak «zinezko krisi soziala lehertu» dela salatu zuen atzo. «Krisi horrek ez ditu ezkerria eta eskuina edota nagusiak eta langileak ezartzen bat bertzearen aurka. Frantziako bizi sozialaren bi ikusmolde desberdin dira elkarren aurka ezarriak. Hots, lehengoa, XIX. eta XX. mendeetako borroka sozial handietarik heldu dena alde batetik, eta elkarriketa sozialarena bertzetik» azaldu zuen UDFko arduradunak.

Michel Jalmain CFDT sindikatuko arduradunak gogor kritikatu zuen Frantziako Gobernuak atzo. «Ez dugu deus egitekorik Unedicek. Gobernuak egitura horren kudeaketaren ardura berak segurtatzea» adierazi zuen kexu.